

大方廣佛華嚴經入不思議解脫境界普賢行願品

第四十卷疏節錄

唐罽賓國三藏沙門般若譯經

唐清涼山大華嚴寺沙門澄觀疏義

浙西徐文蔚敬錄

此即貞元新譯大方廣佛華嚴經第四十卷也。此

華嚴經自流東夏大有三譯第一東晉沙門支法

領至遮拘盤國請得華嚴梵本三萬六千偈請北

天竺三藏佛跋陀羅譯成晉經六十卷第二大

唐證聖元年武周于闐三藏實叉難陀再譯舊文兼

補諸闕計益九千頌。通舊總四萬五千頌。合成唐
 本八十卷。第三頁元十二年^{德宗}詔尉寶三藏般若
 譯成四十卷。即舊經入法界一品。今此一卷即彼
 四十卷中第四十也。而為華嚴關鍵修行樞機文。
 約義豐功高益廣能簡能易唯遠唯深可讚可傳。
 可行可寶。故西域相傳云。普賢行願讚為略華嚴
 經。大方廣佛華嚴經為廣普賢行願讚。^{讚請經以}
 今觀之理實然矣。一經之主即是普賢。初會即是
 普賢所說。窮終亦是普賢所說。五周之因皆普賢
 行。五周之果即普賢行之所成。亦是得果不捨因。

門之果用爾復是四十卷之窮終徧收玄妙。
 經題七字。即為七義。大體也。方相也。廣用也。佛果
 也。華因也。嚴總相也。經能詮也。人法雙題。法喻齊
 舉。體用無礙。因果周圓。故無盡法門。不離此攝。
 品名十二字。分為三節。不思議解脫境界。即所入
 也。普賢行願為能入也。入之一字。通能通所。心智
 契合。悟解得證。總名為入。心言罔及。為不思議。作
 用離障。稱為解脫。智造分域。名為境界。德周善順
 稱曰普賢。造修希求。目為行願。行之與願。如車二
 輪。如鳥二翼。翔空致遠。罔不由之。何者是普賢行。

謂總該萬行行布圓融何名普賢行略有二義一

以人取法普賢菩薩之所行故一直就法說隨一

一行皆稱法界徧調善故此一品經當本經第九

會第四分而一教終極文富義博更開二會第一

本會唐譯卷六十至六十一第二未會唐譯卷六

元譯卷一至三十一貞元未會五十五人攝為

五相初有四十一人名寄位修行相唐譯卷六十

貞元四至三十一譯卷第二摩耶夫人下有十一人名會緣入

質相唐譯卷七十六至七十七上半貞元第三彌勒

菩薩名攝德成因相唐譯卷七十七下半至七十

貞元九譯卷三十四下半至

三十八上第四後文殊菩薩名智照無二相唐譯卷

貞元八譯卷第五普賢菩薩名顯因廣大相

第五顯因廣大相文中分五第一依教趣求第二

聞觀前相第三見聞親證第四聞佛勝德已上即

卷貞元八譯卷三十九

第五重示普因即此卷此一卷經前經兩譯皆所未

有古德判云經來未盡故無流通斯言驗矣晉代

譯主先朝辨正三藏皆譯出偈而闕長行良以西

天頻遭毀滅致令大部或斷或連今梵本昭彰文

勢連續文中三第一結前所說第二正示普因第

三結說欣慶

爾時普賢菩薩摩訶薩稱歎如來勝功德已告諸菩薩及善財言善男子。如來功德假使十方一切諸佛經不可說不可說佛刹極微塵數劫相續演說不可窮盡。

今初稱歎如來勝功德已指前廣偈告諸已下結說不盡。即是前文末後偈意前云無人能盡說佛功德者猶為通因。今明果人勝而且多歷時長久相續無間說尚不盡。況於凡小。以是究竟無盡法故。

若欲成就此功德門應修十種廣大行願。

第二正示普因。即廣說能證普賢行願令入法界則成如來勝功德故。若不依此普賢行修設經多劫亦不成故。文分二別。先長行後偈頌。前中文有三分。第一正顯普因分。第二顯經勝德分。第三結勸受持分。初分有四。第一標示所應。第二徵列名數。第三牒名別解。第四結益令知。今初此功德門。指上佛功德應修已下正示普因希欲為願造修為行。寄圓說十。

何等為十。一者禮敬諸佛。二者稱讚如來。三者廣修

供養。四者懺悔業障。五者隨喜功德。六者請轉法輪。七者請佛住世。八者常隨佛學。九者恆順眾生。十者普皆迴向。

第二徵列名數。然此卽是常行禮懺諸經論中開合不同。若離垢慧菩薩所問禮佛法經總有八重。

一供養。二讚德。三禮佛。四懺悔。五勸請。六隨喜。七迴向。八發願。或但爲七。合禮讚故。或但有六。略供養故。或但爲五。以發願迴向。但總別異故。如十住毗婆沙第五迴向亦同有五。或但有四。除禮拜故。或但爲三。故智論云。菩薩晝夜三時各行三事。謂

懺悔勸請隨喜。行此三事功德無盡。轉得近佛。若善戒經但有一事。謂懺悔迴向。皆隨時廣略。今文具十。以表無盡。六七二事俱是勸請。八九二事迴向開出。餘至文顯。

善財白言。大聖云何禮敬乃至迴向。

第三牒名解釋。於中一先總徵。

普賢菩薩告善財言。善男子。言禮敬諸佛者。所有盡法界。虛空界。十方三世一切佛刹極微塵數諸佛世尊。我以普賢行願力故。深心信解。如對目前。悉以清淨身語意業常修禮敬。一一佛所皆現。不可說不可

說佛刹極微塵數身。一 一身徧禮不可說不可說佛
 刹極微塵數佛。虛空界盡我禮乃盡。以虛空界不可
 盡故我此禮敬無有窮盡如是乃至眾生界盡眾生
 業盡眾生煩惱盡我禮乃盡而眾生界乃至煩惱無
 有盡故我此禮敬無有窮盡。念念相續無有間斷身
 語意業無有疲厭。

後別釋卽爲十段。段各有三。一牒名。二釋相。三總
 結無盡。且初第一禮敬諸佛文三段者第一牒名。
 由心恭敬運於身口而徧禮故除我慢障起敬信
 善。勒那三藏說七種禮。今加爲十。謂一我慢禮。如

確上下無恭敬心。二唱和禮。高聲誼雜辭句渾亂。
 此二非儀。三恭敬禮。五輪著地捧足殷重。四無相
 禮。深入法性離能所相。五起用禮。雖無能所普運
 身心如影普徧禮不可禮。六內觀禮。但禮身內法
 身真佛不向外求。七實相禮。若內若外向一實相。
 八大悲禮。隨一一禮普代眾生。九總攝禮。攝前六
 門以爲一觀。十無盡禮。入帝網境若佛若禮重重
 無盡。文中正辨第五九十質。通後八對文可知。二
 所有無盡法界下。釋相於中。三初所禮境。謂橫豎
 普周盡帝網境。二我以普賢下。明能禮因。略有二

因一以普賢願力。此卽法力。不依行願不能徧故。
 二深信解力。此卽自力。謂印持諸佛徧於時處如
 對目前。三悉以下。辨能禮相。於中一先總明。謂三
 業皆徧常無間故。後一一佛所下。別顯。謂一佛之
 前頓現多身。一身之禮等刹塵數。是周徧相。三虛
 空界盡下。總結無盡。於中一先顯無盡。後彰無間。
 前中準十地經有十無盡界。今此有二。謂虛空眾
 生。於眾生中。開出業惑。故成其四。眾生無邊。一
 眾生有多業惑。彌顯無盡。文中一先別明虛空。後
 總例餘三。今初先反顯。後以虛空界不可盡故下。

順釋。後如是乃至眾生界下。總例餘三。一念念相
 續下。彰無間斷。疲謂疲倦。厭謂厭足。下之九門無
 盡例此。
 復次善男子。言稱讚如來者。所有盡法界虛空界十
 方三世一切刹土所有極微。一一塵中皆有一切世
 間極微塵數佛。一一佛所皆有菩薩海會圍護。我當
 悉以甚深勝解現前。知見各以出過辯才天女微妙
 舌根。一一舌根出無盡音聲海。一一音聲出一切言
 辭海。稱揚讚歎一切如來諸功德海。窮未來際相續
 不斷。盡於法界無不周徧。如是虛空界盡眾生界盡。

眾生業盡眾生煩惱盡我讚乃盡而虛空界乃至煩惱無有盡故我此讚歎無有窮盡念念相續無有間斷身語意業無有疲厭。

第二復次稱讚如來初標可知。二所有下釋相於中。三初所讚境次我當悉以下辨能讚因。後各以出過下辨能讚相。三如是虛空界盡下結其無盡文。少略前若具說者皆如初段。

復次善男子。言廣修供養者。所有盡法界虛空界十方三世一切佛刹極微塵中。一一各有一切世界極微塵數佛。一一佛所種種菩薩海會圍繞我以普賢

行願力故起深信解現前知見悉以上妙諸供養具而為供養。所謂華雲鬘雲天音樂雲天傘蓋雲天衣服雲天種種香塗香燒香末香如是等雲。一一量如須彌山王。然種種燈酥燈油燈諸香油燈。一一燈炷如須彌山。一一燈油如大海水。以如是等諸供養具常為供養善男子。諸供養中法供養最。所謂如說修行供養。利益眾生供養。攝受眾生供養。代眾生苦供養。勤修善根供養。不捨菩薩業供養。不離菩提心供養。善男子。如前供養無量功德。比法供養一念功德百分不及一。千分不及一。百千俱胝那由他分。迦羅

分算分數分喻分優波尼沙陀分亦不及一。何以故
 以諸如來尊重法故。以如說行出生諸佛故。若諸菩
 薩行法供養則得成就供養如來。如是修行是真供
 養故。此廣大最勝供養。虛空界盡。眾生界盡。眾生業
 盡。眾生煩惱盡。我供乃盡。而虛空界乃至煩惱不可
 盡。故我此供養亦無有盡。念念相續。無有間斷。身語
 意業無有疲厭。

第三復次廣修供養初標名。一所有盡法界下。釋
 相。於中。一先正明供行。後校量顯勝。前中四。一所
 具供境。二我以普賢下。能供因。三悉以下。列所供

具。四以如是等下。正明供養。二善男子。諸供養中
 下校量顯勝。文中。一先正校量。後徵釋。所以今初
 先舉所校量。後正校量。前中先總。後所謂。下別
 明七行。皆法供養。後善男子。下正明校量。準今經
 文。以前本行供養校量法供養。然下偈之中。更無
 校量。但舉本行為勝供養。明知校量。欲顯本行供
 養為勝。故梵本云。復次善男子。彼彼一切最勝供
 養。及法供養。修行供養。乃至不離菩提心供養。一
 念中。以彼彼供養如來。已得最勝善根。增長積集。
 過去供養善根。百分不及一等。此中意云。上來觀

行名最勝供養及法供養此上二類。一念善根是
 所校量過去供養為能校量。以未修普賢行願供
 養不及今修普賢觀行供故。又法供養通十法行
 修行最勝修行通於萬行。依觀供養正是修行故。
 法華中喜見燒身名法供養。淨名教於善德行施
 無前無後一時等施名法供養。是則財施若能稱
 法皆法供養。況於深觀非法供養。智者應思。案註
云。此七種法行。但是所標之心。經言如說修行者。
卽如前所說觀行。如是而行。名如說修行也。言利
益眾生等者。卽修觀行之時。一一與此言迦羅者。
利益等心相應。是則名為真法供養也。言迦羅者。
 此云豎折人身一毛以為百分。言優波尼沙陀者。

此云近少亦云近對。謂少分相近比對之分。後何
 以故下徵釋。徵意云何以過去財供不及今供釋
 意云佛尊重法。行法供養故。校量不及三。此廣大
 最勝供養下。總結無盡。此最勝供養卽前觀行若
 此最勝不及法者何以無盡。

復次善男子。言懺除業障者。菩薩自念我於過去無
 始劫中。由貪瞋癡發身口意。作諸惡業。無量無邊。若
 此惡業有體相者。盡虛空界不能容受。我今悉以清
 淨三業。徧於法界。極微塵刹一切諸佛菩薩眾前。誠
 心懺悔。後不復造。恆住淨戒。一切功德。如是虛空界

盡眾生界盡眾生業盡眾生煩惱盡我懺乃盡而虛
空界乃至眾生煩惱不可盡故我此懺悔無有窮盡。
念念相續無有間斷身語意業無有疲厭。

第四復次懺除業障。初標名者懺者梵音具云懺
摩。此云悔過若別說者懺名陳露先罪。悔名改往
修來。除惡業障。成淨戒善。是故文中偏名懺業。實
則三障四障無不皆懺。二菩薩白念下釋相。然懺
有二種。若犯遮罪。先當依教作法懺之。若犯性罪。
復須起行。起行二種。一事二理。事如方等佛名經
等通於萬行。理如淨名觀罪性空不在內外等。普

賢觀經及隨好品具二種懺。觀經中明晝夜精勤
禮十方佛。卽是事懺。觀心無心從顛倒想起。若欲
懺悔者。端坐念實相。斯則理懺。隨好品中等眾生
界善身語意。悔除諸障。卽是事懺。觀諸業性。非十
方來。止住於心。從顛倒生。無有住處等。卽是理懺。
事懺除末。理懺拔根。若具足懺。應須善達逆順十
心。謂先識十種順生死心。以爲所治。一妄計人我。
起於身見。二內具煩惱。外遇惡緣。我心增盛。三內
外旣具滅善心事。不喜他善。四縱恣三業。無惡不
爲。五事雖不廢。惡心徧布。六惡心相續。晝夜不斷。

七覆諱過失不欲人知。八虜扈抵突。不畏惡道。九
 無慚無愧不懼。凡聖十撥無因果。作一闔提從無
 始來若自及他無不皆爾。次起十種逆生死心。從
 後翻破。一明信因果。二自愧剋責。三怖畏惡道。四
 不覆瑕玼。五斷相續心。六發菩提心。七修功補過。
 八守護正法。九念十方佛。十觀罪性空。若具此者
 無罪不滅。隨好品中。具有能治。今文之中。含有不
 具。文分爲二。先舉所懺。後辨懺相。今初。由貪瞋癡
 者是惡業。因發身口意。是造業具。三業十支。皆由
 三毒作諸惡業者。卽是業體。有二三種。一善惡不

動。今唯取惡。二現生後。今通此三三三合九種。從
 三煩惱起。卽其義也。無量已下。辨其廣多以無形
 故。不見相貌。有則溢空。此則通說順流十心。後我
 今悉以下。正辨懺相。清淨三業者。明懺業具。昔因
 三業無惡不爲。今此三業。一時齊懺。謂虔恭胡跪
 口陳辭句。徧於法界。下明所對境。徧法界者。略有
 二意。一昔所造罪。心事徧布。故今懺悔。亦須周徧。
 二稱法性故。何罪不除。諸佛菩薩下。正辨所對。卽
 念十方佛。翻昔惡友。誠心懺悔者。簡不至心。緩縱
 情慮。罪不滅。故懺悔卽含自愧剋責。怖畏惡道。不

覆瑕玼後不復造者卽斷相續心安住淨戒一切
 功德者卽修功補過匪移山岳豈填溝壑總此懺
 者以明識因果善惡影響故亦卽守護正法三如
 是下總結無盡

復次善男子。言隨喜功德者所有盡法界虛空界十
 方三世一切佛刹極微塵數諸佛如來從初發心爲
 一切智勤修福聚不惜身命經不可說不可說佛刹
 極微塵數劫一一劫中捨不可說不可說佛刹極微
 塵數頭目手足如是一切難行苦行圓滿種種波羅
 蜜門證入種種菩薩智地成就諸佛無上菩提及般

涅槃分布舍利所有善根我皆隨喜及彼十方一切
 世界六趣四生一切種類所有功德乃至一塵我皆
 隨喜十方三世一切聲聞及辟支佛有學無學所有
 功德我皆隨喜一切菩薩所修無量難行苦行志求
 無上正等菩提廣大功德我皆隨喜如是虛空界盡
 眾生界盡眾生業盡眾生煩惱盡我此隨喜無有窮
 盡念念相續無有間斷身語意業無有疲厭。

第五復次明隨喜行初標名者由昔不喜他善故
 今隨喜爲慶悅彼除嫉妬障起平等善然餘處隨
 喜在勸請後請先滌身器次欣法再後攝他同己

迴向三處故爲此次。今明隨喜是懺中別義事勢相連。故先明之。平等廣大。方堪聞法。一所有盡法界下釋。相謂隨喜四類。以攝諸善。一喜如來善。二及彼十方下。喜六趣四生善。三十方三世下。喜二乘善。四一切菩薩下。喜菩薩善。佛爲最勝。所以先明餘之三類。從劣向勝。大品經中隨喜品。明大千海水。一毛破爲百分。滴取海水。可知其數。隨喜之福。不可知數。故結無盡等。虛空界法華隨喜展轉。至於第五十人。尙難校量。何況最初。此隨喜如來權實功德。故佛爲最勝。三如是下。總結無盡。

復次善男子。言請轉法輪者。所有盡法界虛空界十方三世一切佛刹極微塵中。一各有不可說不可說佛刹極微塵數。廣大佛刹。一刹中。念念有不可說不可說佛刹極微塵數。一切諸佛成等正覺。一切菩薩海會圍遶。而我悉以身口意業種種方便殷勤。勸請轉妙法輪。如是虛空界盡。眾生界盡。眾生業盡。眾生煩惱盡。我常勸請一切諸佛轉正法輪。無有窮盡。念念相續。無有間斷。身語意業。無有疲厭。

第六復次明請轉法輪行。初標名者。卽是勸請除謗法障。起慈善根。聲聞自度。但懺而已。菩薩愍眾。

故須勸請請佛普爾目必露滄一所有下釋相中

二先舉所請境後而我下正明請法三如是下總

結無盡。

復次善男子。言請佛住世者所有盡法界虛空界十

方三世一切佛刹極微塵數諸佛如來將欲示現般

涅槃者及諸菩薩聲聞緣覺有學無學乃至一切諸

善知識我悉勸請莫入涅槃經於一切佛刹極微塵

數劫爲欲利樂一切眾生如是虛空界盡眾生界盡

眾生業盡眾生煩惱盡我此勸請無有窮盡念念相

續無有間斷身語意業無有疲厭。

第七復次請佛住世行初標名者卽是勸請別義

二所有下釋相中標從勝說但請如來釋從通意

三乘皆請三如是下總結無盡。

復次善男子。言常隨佛學者如此娑婆世界毗盧遮

那如來從初發心精進不退以不可說不可說身命

而爲布施。剝皮爲紙。析骨爲筆。刺血爲墨。書寫經典。

積如須彌爲重法。故不惜身命。何況王位城邑聚落

宮殿園林一切所有及餘種種難行苦行乃至樹下

成大菩提。示種種神通。起種種變化。現種種佛身。處

種種眾會。或處一切諸大菩薩眾會道場。或處聲聞

及辟支佛眾會道場或處轉輪聖王小王眷屬眾會
 道場或處刹刹及婆羅門長者居士眾會道場乃至
 或處天龍八部人非人等眾會通場處於如是種種
 眾會以圓滿音如大雷震隨其樂欲成熟眾生乃至
 示現入於涅槃如是一切我皆隨學。如今世尊毗盧
 遮那如是盡法界虛空界十方三世一切佛刹所有
 塵中一切如來皆亦如是於念念中。我皆隨學。如是
 虛空界盡眾生界盡眾生業盡眾生煩惱盡我此隨
 學無有窮盡念念相續無有間斷身語意業無有疲
 厭。

第八復次常隨佛學。此下三段皆是迴向前一卽
 迴向中別義故下偈中第七行竟便標迴向欲收
 此二屬迴向故若別說者卽是所修二利行體亦
 是別說所迴善根今此標名義同等一切佛迴向
 亦自利行二如此娑婆下釋相於中二一學本師
 二例一切前中亦二先明所學後辨能學前中又
 二先明因行後乃至下辨果行用後如是一切下
 辨能學一如今世尊下例一切佛三如是下總結
 無盡。

復次善男子。言恆順眾生者謂盡法界虛空界十方

刹海所有眾生種種差別所謂卵生胎生溼生化生
 或有依於地水火風而生住者或有依空及諸卉木
 而生住者種種生類種種色身種種形狀種種相貌
 種種壽量種種族類種種名號種種心性種種知見
 種種欲樂種種意行種種威儀種種衣服種種飲食
 處於種種村營聚落城邑宮殿乃至一切天龍八部
 人非人等無足二足四足多足有色無色有想無想
 非有想非無想如是等類我皆於彼隨順而轉種種
 承事種種供養如敬父母如奉師長及阿羅漢乃至
 如來等無有異於諸病苦為作良醫於失道者示其

正路於闇夜中為作光明於貧窮者令得伏藏菩薩
 如是不等饒益一切眾生何以故菩薩若能隨順眾
 生則為隨順供養諸佛若於眾生尊重承事則為尊
 重承事如來若令眾生生歡喜者則令一切如來歡
 喜何以故諸佛如來以大悲心而為體故因於眾生
 而起大悲因於大悲生菩提心因菩提心成等正覺
 譬如曠野沙磧之中有大樹王若根得水枝葉華果
 悉皆繁茂生死曠野菩提樹王亦復如是。一切眾生
 而為樹根諸佛菩薩而為華果以大悲水饒益眾生
 則能成就諸佛菩薩智慧華果何以故若諸菩薩以

大悲水饒益眾生則能成就阿耨多羅三藐三菩提
 故是故菩提屬於眾生若無眾生一切菩薩終不能
 成無上正覺善男子汝於此義應如是解以於眾生
 心平等故則能成就圓滿大悲以大悲心隨眾生故
 則能成就供養如來菩薩如是隨順眾生虛空界盡
 眾生界盡眾生業盡眾生煩惱盡我此隨順無有窮
 盡念念相續無有間斷身語意業無有疲厭。

第九復次恆順眾生初標名謂隨順眾生種類根
 性饒益成就卽利他行。二謂盡法界下釋相於中
 二。一正明二徵釋前中亦二无所順眾生後如是

等類我皆於彼下。正明隨順二何以故下。徵釋文
 分爲二。一合佛喜故。二增大悲故。今初。先徵意云
 但佛應順何要順生釋意云若順眾生則爲順佛。
 若不順生佛不歡喜二何以故下。徵增大悲故於
 中。一先徵後釋徵意云生佛懸隔何以順生諸佛
 歡喜後釋意云佛以大悲而爲體性若不順生不
 合佛體文中三。初法說二喻明三法合今初。大悲
 爲體者標不同體大悲故出現品云。如來成正覺
 時普見一切眾生成正覺乃至普見一切眾生入
 涅槃皆同一性以了眾生皆無性故大悲相續救

護一切。譬如曠野下喻明生死懸絕。迴無所依。

名爲曠野。不生善法。喻以砂磧。佛菩提法如大樹。

王智慧禪定猶如枝葉。菩薩依學。况之以華。諸佛

證此。目之爲果。一切眾生以爲其根。以大慈悲而

爲其水。水滋樹根。華果繁茂。悲念萬類。成佛果因。

合文備矣。次生死曠野下。合於中四。一正合。略不

合枝葉。二何以下。重徵釋。三是故下。結成四善男

子女於下。結示令知。三菩薩如是下。總結無盡。

復次善男子。言普皆迴向者。從初禮拜乃至隨順所

有功德。皆悉迴向。盡法界。虛空界。一切眾生。願令眾

生常得安樂。無諸病苦。欲行惡法。皆悉不成。所修善

業。皆速成就。關閉一切諸惡趣門。開示人天涅槃正

路。若諸眾生。因其積集諸惡業故。所感一切極重苦

果。我皆代受。令彼眾生。悉得解脫。究竟成就無上菩

提。菩薩如是所修迴向。虛空界盡。眾生界盡。眾生業

盡。眾生煩惱盡。我此迴向。無有窮盡。念念相續。無有

間斷。身語意業。無有疲厭。

第十復次明迴向行。初標名。迴謂迴轉。向謂趣向。

迴已修善。向於三處。謂實際。菩提。及與眾生。除狹

劣障。生廣大善。二從初禮拜下。釋相。於中。一先明

所迴善根。卽前九門後皆悉下。正明迴向。此中正
 明迴向眾生。令成菩提。卽向菩提。盡於法界。義同
 實際。所以要此三者。凡是菩薩。必大悲下化。大智
 上求。而離眾生及菩提相。又此三者。其必相資。一
 卽具三方。成其一。謂爲證實際。須向眾生。以化眾
 生。成其自利。斷障證真。故亦向菩提。速證菩提。具
 一切智。斷於二障。方窮實故。餘二準思。更以類取。
 略有十意。謂依三法。故滅三道。故淨三聚。故顯三
 佛性。成三寶。會三身。具三德。得三菩提。證三涅槃。
 安住三種祕密藏。故言三法者。卽體相用。亦三般

若謂向實際。依於體法。向菩提者。依於相法。向眾
 生者。依於用法。餘九三法。次第準知。文中二。先願
 離苦成善。乃至涅槃。後若諸眾生下。發心代苦。苦
 由業生。何能代之。略有七意。一起悲意。樂自超凡
 境。事未必能。二修諸苦行。後能與物爲增上緣。卽
 名代苦。三留惑潤生。受有苦身。爲物說法。令不造
 惡。因亡果喪。卽名爲代。四若見眾生。造無間業。當
 受大苦。無異方便。要須斷命。自墮地獄。命彼脫苦。
 卽名爲代。五由初發心。常處惡趣。乃至飢世。身爲
 大魚。卽名爲代。六大願與苦。皆同真性。今以卽真

大願潛至卽真之苦。七法界爲身。自他無異眾生

受苦卽是菩薩。上七義中。初唯意樂。次二爲緣。次

二實代。後二理觀。然約有緣方能代耳。三菩薩如

是所修下。總結無盡。

善男子。是爲菩薩摩訶薩十種大願。具足圓滿。若諸

菩薩於此大願隨順趣入。則能成熟一切眾生。則能

隨順阿耨多羅三藐三菩提。則能成滿普賢菩薩諸

行願海。是故善男子。汝於此義應如是知。

第四結益令知。

若有善男子。善女人。以滿十方無量無邊不可說不

可說佛刹極微塵數一切世界上妙七寶及諸人天

最勝安樂布施爾所一切世界所有眾生。供養爾所

一切世界諸佛菩薩。經爾所佛刹極微塵數劫相續

不斷。所得功德。

此文第二顯經勝德分於中分二。一校量聞德。

若復有人聞此願王。一經於耳。所有功德比前功德

百分不及一。千分不及一。乃至優波尼沙陀分亦不

及一。或復有人以深信心於此大願受持讀誦。乃至

書寫一四句偈。速能除滅五無間業。所有世間身心

等病種種苦惱。乃至佛刹極微塵數一切惡業皆得

消除一切魔軍夜叉羅刹若鳩槃荼若毗舍闍若部
多等飲血啗肉諸惡鬼神皆悉遠離或時發心親近
守護

一顯餘行德於中亦二二總明法行略說功德後

唯明一行廣說功德今初言法行者總有十種二

書寫二供養三轉施四聽聞五披讀六受持七開

示八諷誦九思惟十修習今但有四謂一受持二

讀三誦四書寫兼前聽聞唯舉五行乃至二字義

攝所餘言略說功德者唯說離惡亦即現報

是故若人誦此願者

一偏舉一行廣顯眾德舉一例餘於中分二先一

句舉一行

行於世間無有障礙如空中月出於雲翳諸佛菩薩

之所稱讚一切人天皆應禮敬一切眾生悉應供養

此善男子善得人身圓滿普賢所有功德不久當如

普賢菩薩速得成就微妙色身具三十二大丈夫相

若生人天所在之處常居勝族悉能破壞一切惡趣

悉能遠離一切惡友悉能制伏一切外道悉能解脫

一切煩惱如師子王摧伏羣獸堪受一切眾生供養

後辨德具多勝德不出五果又分為三第一通明

五果第二別明淨土果。第三究竟成佛果。前中分

五。一明增上果有增上用故。二此善男子善得人

身。下等流果亦滿普賢功德行故。三若生人天下。

異熟果乘因感果故。四悉能破壞下。士用果。有菩

薩用故。五悉能解脫下。離繫果。八支聖道滅煩惱

故。

又復是人臨命終時最後剎那。一切諸根悉皆散壞。

一切親屬悉皆捨離。一切威勢悉皆退失。輔相大臣。

宮城內外象馬車乘珍寶伏藏。如是一切無復相隨。

唯此願王不相捨離。於一切時引導其前。一剎那中。

卽得往生極樂世界。到已卽見阿彌陀佛。文殊師利

菩薩。普賢菩薩。觀自在菩薩。彌勒菩薩等。此諸菩薩。

色相端嚴。功德具足。所共圍遶。其人自見生蓮華中。

蒙佛授記得授記。已經於無數百千萬億那由他劫。

普於十方不可說不可說世界。以智慧力。隨眾生心。

而爲利益。

一別明淨土果。於中一先顯法功能。後別明勝果。

初中謂報盡捨命。一切不隨。唯此願王引生淨土。

同無常經眷屬皆捨去。財貨任他將。但持自善根。

險道充糧食。後到已卽見下。別明勝果。於中一先

正化生亦異熟果後得授記已下。利生大用亦士
用果。

不久當坐菩提道場降伏魔軍成等正覺轉妙法輪。
能令佛刹極微塵數世界眾生發菩提心。隨其根性
教化成熟乃至盡於未來劫海廣能利益一切眾生。

三究竟成佛果亦離繫果究竟離故。然前段中。初
一現果今此成佛卽後報果。中間諸果皆是生報
唯一誦行五果具足。三報昭彰。終至菩提于何不
習。

善男子。彼諸眾生若聞若信此大願王受持讀誦廣

爲人說所有功德除佛世尊餘無知者是故汝等聞
此願王莫生疑念應當諦受受已能讀讀已能誦誦
已能持乃至書寫廣爲人說是諸人等於一念中所
有行願皆得成就所獲福聚無量無邊能於煩惱大
苦海中拔濟眾生令其出離皆得往生阿彌陀佛極
樂世界。

大文第三結勸受持分於中三。初結前勝德上猶
略歎。今說無盡次是故汝等下。正明勸持通十法
行。後是諸人等下重舉勝德慇懃顯德意在勸持。
然此一卷文少義豐是修行之玄樞乃華嚴之幽

鑣功高德遠荷不修持。西天道流未有不習也。

爾時普賢菩薩摩訶薩欲重宣此義普觀十方而說偈言。

第二偈頌總有六十二偈亦分三段第一五十二偈頌前正示普因第二七偈頌顯經勝德第三三偈頌結勸受持初中有二先別頌十門後一偈總頌無盡前中文但有八後三合故。

| | |
|---------|---------|
| 所有十方世界中 | 三世一切人師子 |
| 我以清淨身語意 | 一切徧禮盡無餘 |
| 普賢行願威神力 | 普現一切如來前 |

一身復現刹塵身 一徧禮刹塵佛

初有二偈頌禮敬諸佛於中初二句頌所禮。次二句能禮。次句明周徧。次句辨徧因。後三句別顯禮相。謂一一佛所各有多身。一一己身能起多禮。故晉經云。一如來所。一切刹塵禮。

| | |
|---------|---------|
| 於一塵中塵數佛 | 各處菩薩眾會中 |
| 無盡法界塵亦然 | 深信諸佛皆充滿 |
| 各以一切音聲海 | 普出無盡妙言辭 |
| 盡於未來一切劫 | 讚佛甚深功德海 |

二有二偈頌稱讚諸佛。

以諸最勝妙華鬘 伎樂塗香及傘蓋

如是最勝莊嚴具 我以供養諸如來

最勝衣服最勝香 末香燒香與燈燭

一一皆如妙高聚 我悉供養諸如來

我以廣大勝解心 深信一切三世佛

悉以普賢行願力 普徧供養諸如來

三有三偈頌供養如來。此中唯說本行供養不頌校量法供養勝明知長行校量本行。

我昔所造諸惡業 皆由無始貪瞋癡

從身語意之所生 一切我今皆懺悔

四有一偈頌懺悔惡業

十方一切諸眾生 二乘有學及無學

一切如來與菩薩 所有功德皆隨喜

五有一偈頌隨喜功德

十方所有世間燈 最初成就菩提者

我今一切皆勸請 轉於無上妙法輪

六有一偈頌請轉法輪

諸佛若欲示涅槃 我悉至誠而勸請

唯願久住刹塵劫 利樂一切諸眾生

七有一偈頌請佛住世

所有禮讚供養福

請佛住世轉法輪

隨喜懺悔諸善根

迴向眾生及佛道

八十四偈合頌後三以後三行皆迴向故八九但

是迴向別義八隨佛學是向菩提通於二利九順

眾生是向眾生一向利他故此三門不相捨離文

中二先三十六偈合頌三門後四偈願生淨土前

中三初二偈總標迴向三十四偈別頌三門三

有一偈結歸迴向彌顯三門皆迴向也今初以該

八九故不依前六三句牒前所迴善根八九二門

屬迴向故但牒前七第四一句正明迴向略舉二

處實際離相徧該於二在無盡中。

我隨一切如來學

修習普賢圓滿行

供養過去諸如來

及與現在十方佛

未來一切天人師

一切意樂皆圓滿

我願普隨三世學

速得成就大菩提

三三十四偈別頌三門即分為三雖同迴向長行

既開故略標別義初二偈頌隨如來學。

所有十方一切刹

廣大清淨妙莊嚴

眾會圍繞諸如來

悉在菩提樹王下

十方所有諸眾生

願離憂患常安樂

獲得甚深正法利 滅除煩惱盡無餘

二有二偈頌恆順眾生以順眾生卽順諸佛故先舉諸佛又佛坐樹下爲化生故故晉譯云如來坐道場菩薩眾充滿令十方眾生除滅諸煩惱明知相連

我爲菩提修行時 一切趣中成宿命

常得出家修淨戒 無垢無破無穿漏

天龍夜叉鳩槃荼 乃至人與非人等

所有一切眾生語 悉以諸音而說法

三三十偈頌前迴向前略今廣此下大願亦是伽

陀然迴向與願大同小異異謂迴向要有所迴發願無善亦可要誓言大同者十迴向位大願爲體總願別願皆迴向故今此卽是迴向大願又有十願全同初地但次不同文分爲二初二十二偈別發大願後有八偈總結大願前中十願卽爲十別第一二偈明受持願亦名護法願故十地經云願受一切佛法輪願攝一切佛菩提願護一切諸佛教願持一切諸佛法今文初句攝菩提次句攝佛法次二句護佛教修行戒行爲護行故後偈願受一切佛法輪卽是如來以一切音而說諸法今能

徧受故上經云能令三界所有聲聞者皆是如來音。

勤修清淨波羅蜜 恆不忘失菩提心

滅除障垢無有餘 一切妙行皆成就

於諸惑業及魔境 世間道中得解脫

猶如蓮華不著水 亦如日月不住空

二有二偈修行二利願於中一切妙行皆成就者

此是總句謂廣大無量世出世間種種行故亦行

方便餘句為別初句行體即十波羅蜜除蔽清淨

第三句是行業以十度行淨十種蔽助真如觀淨

十障故後偈行相於諸惑業得解脫者即出世間

行及魔境界世間道中得解脫者即世間行猶如

蓮華及日月喻雙喻二行處於世界猶如虛空亦

如蓮華不著水故身心清淨超彼岸故上之七句

皆是能增長行第二句是所增長心由依此義此

行亦名心增長行故十地云令其受行心得增長

悉除一切惡道苦 等與一切羣生樂

如是經於剎塵劫 十方利益恆無盡

我常隨順諸眾生 盡於未來一切劫

恆修普賢廣大行 圓滿無上大菩提

三有二偈成熟眾生行願第五句總餘句為別初
 句離苦因果皆離次句得樂乃至涅槃第三豎長
 第四橫徧後三句總結長時所成因果卽十地經
 令安住一切智智道

所有與我同行者 於一切處同集會

身口意業皆同等 一切行願同修學

所有益我善知識 為我顯示普賢行

常願與我同集會 於我常生歡喜心

四有二偈明不離願謂願於一切生處恆不離佛
 及諸菩薩得同意行故亦名心行願願不離一乘

故初句為總同志一乘故餘句為別於中先三句
 自分行同意業同者平等一緣故身業同者同得
 如意神通故語業同者同說一味法故上卽三輪
 同一切行願同者若福若智萬行皆同後一偈勝
 進同以更成益復顯示故

願常面見諸如來 及諸佛子眾圍遶

於彼皆與廣大供 盡未來劫無疲厭

願持諸佛微妙法 光顯一切菩提行

究竟清淨普賢道 盡未來劫常修習

五二偈供養願願供勝田故第三句為總與廣大

供故。大有六種。一 心大無疲厭故。二 供具大財法
 正行皆具足故。財供攝在總句。法正行。卽第五六
 句。三 福田大。卽初二句。四 攝功德大。卽第七句中
 清淨二字。如空清淨。爲無常愛果及常果之因。故
 六時大。卽第八句。

我於一切諸有中 所修福智恆無盡

定慧方便及解脫 獲諸無盡功德藏

一塵中有塵數刹 一一刹有難思佛

一一佛處眾會中 我見恆演菩提行

六有二偈明利益願。願於一切時恆作利益眾生

事業無空過故。亦名三業不空。願前偈修福智等
 爲不空。因獲無盡藏。是不空果。謂暫見身則必定
 佛法。暫聞音聲則得實智慧。纔生淨信則永斷煩
 惱。得如大藥王樹身。得如如意寶身。名功德藏。後
 偈利益時處。謂徧於時處。求能益法利眾生。故十
 地經云。乘不退輪修菩薩行。今見諸佛演菩提行。
 卽乘教輪修菩薩行。

普盡十方諸刹海 一一毛端三世海

佛海及與國土海 我徧修行經劫海

一切如來語清淨 一言具眾音聲海

| | |
|--|---------|
| 隨諸眾生意樂音 | 一流佛辯才海 |
| 三世一切諸如來 | 於彼無盡語言海 |
| 恆轉理趣妙法輪 | 我深智力普能入 |
| 七有二偈明轉法輪願亦名攝法上首願謂佛轉法輪願皆攝取而轉授故文中初偈轉法輪處次一偈能轉圓音次二句轉法輪時第十一句所轉法輪末後一句即能攝方便 | |
| 我能深入於未來 | 盡一切劫為一念 |
| 三世所有一切劫 | 為一念際我皆入 |
| 我於一念見三世 | 所有一切人師子 |

亦常入佛境界中 如幻解脫及威力

八有二偈明淨土願願清淨自土安立正法及能修行諸眾生故略無淨土之言以影在後段故而是淨土七種淨義初偈即同體淨以同法性故令一多互相即入今文雖辨念劫圓融意取時中圓融之剎二有半偈明自在淨如摩尼珠美惡斯現自在圓通是故文云於一念見舉其佛者顯是佛土三亦常入佛境界中者即是因淨因有二種一者生因謂六度等如淨名說二者依因此復有二一鏡智淨識為土所依二後智通慧為土所依此

二皆是諸佛境界。又境界者即是相淨。謂七珍等。
 第八一句攝於三淨。謂四以如幻二字。即是果淨。
 果亦有二。二所生果。即是相淨。略在境界。廣則影
 在後承事中。二示現果。隨機示現。故云如幻。五解
 脫威力。即受用淨。謂受用淨土。離過成德。如用香
 飯得三昧等。今解脫煩惱。即是離過道力之能。即
 是成德。故地經云。成就清淨道。六梵本此句無及
 威力。有眷屬字。即是住處眾生淨。人寶為嚴。故七
 者相淨。已如前說。

於二毛端極微中

出現三世莊嚴刹

十方塵刹諸毛端

我皆深入而嚴淨

所有未來照世燈

成道轉法悟羣有

究竟佛事示涅槃

我皆往詣而親近

九有二偈。明承事願。願往諸佛土。常見諸佛。廼時
 敬事。聽受法。故第八句為總。餘皆是別。初之一偈
 即承事處。初二句通是真實義。相互涉入。如帝
 網。故就中三世莊嚴刹。即一切相。淨土體相有差
 別。故第三句即無量相。謂前二相徧十方。故其第
 四句辨能知見。故地經云。智皆明了。現前知見。明
 唯智知。非識境。故梵本云。我甚深入莊嚴刹。深

入有二。一智深入。一身深入。入彼莊嚴刹中承事

如來。非嚴淨彼若去而字下加刹字。理無違矣。第

五一句所承事佛。所有佛故。六七二句卽承事時

八相時故。

速疾周徧神通力

普門徧入大乘力

智行普修功德力

威神普覆大慈力

徧淨莊嚴勝福力

無著無依智慧力

定慧方便威神力

普能積集菩提力

清淨一切善業力

摧滅一切煩惱力

降伏一切諸魔力

圓滿普賢諸行力

十有三偈。成正覺。願與一切眾生同時皆得無

上菩提。恆作佛事。故文有十二力。前九明業。用後

三結因成果。前中九句有其七業。一初句卽自在

業。以神通力普周徧故。二二句示正覺業不離一

毛端處。而於一切處八相成道。故名普門。合云以

大乘力徧普門。謂大乘稱理。互相卽入。而普徧故。

三次三句卽說實諦業。謂說實諦。令物悟故。文中

通舉說德及益。謂一以智行力。內滿功德。二以大

慈力普覆。而說。故梵本云。以智行力功德滿。以大

慈力覆一切。後句以福德力徧清淨。卽是自他離

摩亦說之益。四次第六句。卽證教業說自所證以
 化物故。謂以菩提智契涅槃理。故無所依。梵本云
 以智慧力無所依。五一。句。種種說法業具足定慧
 方便等故。六一。句。不斷佛種業。積集菩提佛種。豈
 斷。七一。句。法輪復住業。依大智慧能淨一切諸善
 根故。後三句。結因成果。由內伏煩惱。外降諸魔。普
 賢行圓故。成菩提。亦可後三復爲三業。以成圓十。
 八。摧滅煩惱業。九。降伏魔怨業。十。普圓勝因業。上
 已別說十願竟。

普能嚴淨諸刹海 解脫一切眾生海

| | |
|---------|---------|
| 善能分別諸法海 | 能甚深入智慧海 |
| 普能清淨諸行海 | 圓滿一切諸願海 |
| 親近供養諸佛海 | 修行無倦經劫海 |
| 三世一切諸如來 | 最勝菩提諸行願 |
| 我皆供養圓滿修 | 以普賢行悟菩提 |

第二有八偈總結大願。於中二。先有三偈總結十
 願。後有五偈結歸二聖。今初。前之八海。結前九願。
 後之一偈。結正覺願。前中謂一淨土願。二成熟眾
 生願。三轉法輪願。四受持願。五修行二利願。六利
 益願。由願圓故。七有二願。親近二字。卽承事願。供

養二字。即供養願。諸佛海言通上二願。入即不離願不離同志。故長時無倦。後偈結正覺者。以三世因圓正覺果滿故。

一切如來有長子 彼名號曰普賢尊

我今迴向諸善根 願諸智行悉同彼

願身口意恆清淨 諸行利士亦復然

如是智慧號普賢 願我與彼皆同等

二五偈結歸二聖及攝所餘。歸二聖者。謂普賢文殊彰行所屬。亦即釋成普賢行願名。法門主。故言攝所餘者。謂餘不說一切大願。是故文云一切願

海。即同地經如是無量百千萬億阿僧祇大願文。中二。初二偈偏同普賢。後三偈雙齊二聖。今初。所以同者。普賢行故。稱法界故。言長子者。最尊勝故。出現品亦云。誰是如來法長子故。若表法者。即表法界。先萬物生無過此故。如有偈云。普賢真身徧法界。能為世間自在主。無始無終無生滅。性相常住等虛空。既無有始。即是長義。不捨因行。故為佛子。但云同等。非但無量阿僧祇願。如法界量無盡。願行皆悉願同。

我為徧淨普賢行 文殊師利諸大願

滿彼事業盡無餘

未來際劫恆無倦

我所修行無有量

獲得無量諸功德

安住無量諸行中

了達一切神通力

文殊師利勇猛智

普賢慧行亦復然

我今迴向諸善根

隨彼一切常修學

後三偈雙同一聖者。文殊表解。解發願故。普賢表行。依解起行故。故願與行分屬二聖。理實皆通。又表理智一相契合。行願相扶。所以雙同。

三世諸佛所稱歎

如是最勝諸大願

我今迴向諸善根

為得普賢殊勝行

第三偈結歸迴向者。上來諸願皆屬迴向。彌顯三段皆屬迴向。

願我臨欲命終時

盡除一切諸障礙

面見彼佛阿彌陀

即得往生安樂刹

我既往生彼國已

現前成就此大願

一切圓滿盡無餘

利樂一切眾生界

彼佛眾會咸清淨

我時於勝蓮華生

親覩如來無量光

現前授我菩提記

蒙彼如來授記已

化身無數百俱胝

智力廣大徧十方

普利一切眾生界

第二四偈願生淨土。全同長行顯經勝德轉生之

益。此合起願彼約說。益為意不同。不生華藏而生

極樂。略有四意。一有緣故。二欲使眾生歸憑。情一

故。三不離華藏故。四即本師故。

乃至虛空世界盡 眾生及業煩惱盡

如是一切無盡時 我願究竟恆無盡

第二一偈總頌十門總結無盡。亦別屬十願十無

盡句。

十方所有無邊刹 莊嚴眾寶供如來

最勝安樂施天人 經一切刹微塵劫

若人於此勝願王 一經於耳能生信

求勝菩提心渴仰 獲勝功德過於彼

第二七偈頌顯經勝德。文亦分二。先有二偈頌前

校量聞益。

即常遠離惡知識 永離一切諸惡道

速見如來無量光 具此普賢最勝願

此人善得勝壽命 此人善來人中生

此人不久當成就 如彼普賢菩薩行

往昔由無智慧力 所造極惡五無間

誦此普賢大願王 一念速疾皆消滅

族姓種類及容色

相好智慧咸圓滿

諸魔外道不能摧

堪為三界所應供

後五偈頌通顯諸行益長行有三。一通明五果。二

別明淨土果。三究竟菩提果。其生淨土在前願中。

但頌初後即分為二。前四偈頌通顯五果。後一偈

頌究竟果。今初文具五果。初偈增上果。次偈等流

果。次偈離繫果。次半偈異熟果。次半偈士用果。

速詣菩提大樹王

坐已降伏諸魔眾

成等正覺轉法輪

普利一切諸含識

後一偈頌究竟果可知

若人於此普賢願

讀誦受持及演說

果報唯佛能證知

決定獲勝菩提道

若人誦此普賢願

我說少分之善根

一念一切悉皆圓

成就眾生清淨願

我此普賢殊勝行

無邊勝福皆迴向

普願沈溺諸眾生

速往無量光佛刹

第三偈結勸受持。初半偈結前諸行。次一偈半。

重顯勝益。後一偈結成迴向普及眾生。

爾時普賢菩薩摩訶薩於如來前說此普賢廣大願

王清淨偈已善財童子踊躍無量一切菩薩皆大歡

喜。如來讚言善哉善哉。

第三結說讚善

爾時世尊與諸聖者菩薩摩訶薩演說如是不可思議解脫境界勝法門時。

大文第三流通分於中二先指所說法後時眾受持。今初向普賢說已是義結。今云佛說亦是義生。意欲總該亦有二意。一此之一會佛為會主。雖諸善友以總該別亦屬佛說。二徧該九會以皆不起菩提樹王徧一切處一時頓說。向見普賢在菩提場攝未歸本以本該未並為佛說。

文殊師利菩薩而為上首諸大菩薩及所成熟六千比丘彌勒菩薩而為上首賢劫一切諸大菩薩無垢普賢菩薩而為上首一生補處住灌頂位諸大菩薩及餘十方種種世界普來集會一切刹海極微塵數諸菩薩摩訶薩眾。

一時眾受持於中亦二先列能持眾後總顯受持。前中三。二列菩薩次列聲聞後列雜類。今初又有四類前之二類多在此會。第三普賢義通常隨則徧該九會第四種種世界普來集會迹通二義。一是前來遠集新眾。二通九會集有遠近。

大智舍利弗摩訶目犍連等而為上首諸大聲聞。

一列聲聞眾唯局此會。

并諸人天一切世主天龍夜叉乾闥婆阿脩羅迦樓

羅緊那羅摩睺羅伽人非人等一切大眾。

三列雜類眾。

聞佛所說皆大歡喜信受奉行。

二彰其信受通前諸眾。

普賢行願品疏節錄終

謹案明慈山大師提挈清涼國師華嚴疏文為華

嚴綱要八十卷中土久佚今得自日本續藏刻行

於世竊惟華嚴十萬偈晉譯三萬六千偈都六

十卷唐譯四萬五千偈都八十卷其入法界一品

晉十六卷唐二十一卷經來未盡也唐德宗貞元

間此品全本梵文至譯為四十卷具曰不思議

解脫境界普賢行願品簡曰入法界品亦曰普賢

行願品清涼國師先已撰華嚴疏鈔此品全文譯

成復撰疏十卷釋之又以此最後一卷實為華嚴

關鍵修行樞機更為別行疏圭峰為之鈔亦既盛

行於世今因校刻華嚴綱要成謹以此一卷經附

後用便誦持依慈山例附入疏文未敢語於提挈

故稱節錄云浙西徐文蔚識

計刻此卷連圈計字一萬六千九百十五箇付刻

資五十九元正

民國十年 四月 北京刻經處識

文殊師利發願經

東晉天竺三藏佛陀跋陀羅譯

身口意清淨 除滅諸垢穢 一心恭敬禮

十方三世佛 普賢願力故 悉覩見諸佛

一一如來所 一切刹塵禮 於一微塵中

見一切諸佛 菩薩衆圍遶 法界塵亦然

以衆妙音聲 宣揚諸最勝 無量功德海

不可得窮盡 以普賢行力 無上衆供具

供養於十方 三世一切佛 以妙香華鬘

種種諸伎樂 一切妙莊嚴 普供養諸佛

| | | |
|-------|-------|-------|
| 我以貪恚癡 | 造一切惡行 | 身口意不善 |
| 悔過悉除滅 | 一切衆生福 | 諸聲聞緣覺 |
| 菩薩及諸佛 | 功德悉隨喜 | 十方一切佛 |
| 初成等正覺 | 我今悉勸請 | 轉無上法輪 |
| 示現涅槃者 | 合掌恭敬請 | 住一切塵劫 |
| 安樂諸羣生 | 我所集功德 | 迴向施衆生 |
| 究竟菩薩行 | 速無上菩提 | 悉供養過去 |
| 現在十方佛 | 願未來世尊 | 速成菩提道 |
| 普莊嚴十方 | 一切諸佛刹 | 如來坐道場 |
| 菩薩衆充滿 | 令十方衆生 | 除滅諸煩惱 |

| | | |
|-------|-------|-------|
| 深解真實義 | 常得安樂住 | 我修菩薩行 |
| 成就宿命智 | 除滅一切障 | 永盡無有餘 |
| 悉遠離生死 | 諸魔煩惱業 | 猶日處虛空 |
| 蓮花不著水 | 徧行遊十方 | 教化諸羣生 |
| 除滅惡道苦 | 具足菩薩行 | 雖隨順世間 |
| 不捨菩薩道 | 盡未來際劫 | 具修普賢行 |
| 若有同行者 | 願常集一處 | 身口意善業 |
| 皆悉令同等 | 若遇善知識 | 開示普賢行 |
| 於此菩薩所 | 親近常不離 | 常見一切佛 |
| 菩薩衆圍繞 | 盡未來際劫 | 悉恭敬供養 |

| | | |
|-------|-------|-------|
| 守護諸佛法 | 讚歎菩薩行 | 盡未來劫修 |
| 究竟普賢道 | 雖在生死中 | 具無盡功德 |
| 智慧巧方便 | 諸三昧解脫 | 一一微塵中 |
| 見不思議刹 | 於一一刹中 | 見不思議佛 |
| 見如是十方 | 一切世界海 | 一一世界海 |
| 悉見諸佛海 | 於一言音中 | 具一切妙音 |
| 一一妙音中 | 具足最勝音 | 甚深智慧力 |
| 入無盡妙音 | 轉三世諸佛 | 清淨正法輪 |
| 一切未來劫 | 悉能作一念 | 三世一切劫 |
| 悉爲一念際 | 一念中悉見 | 三世諸如來 |

| | | |
|-------|-------|-------|
| 亦普分別知 | 解脫及境界 | 於一微塵中 |
| 出三世淨刹 | 一切十方塵 | 莊嚴刹亦然 |
| 悉見未來佛 | 成道轉法輪 | 究竟佛事已 |
| 示現入涅槃 | 神力徧遊行 | 大乘力普門 |
| 慈力覆一切 | 行力功德滿 | 功德力清淨 |
| 智慧力無礙 | 三昧方便力 | 速得菩提力 |
| 清淨善業力 | 除滅煩惱力 | 壞散諸魔力 |
| 具普賢行力 | 嚴淨佛刹海 | 度脫衆生海 |
| 分別諸業海 | 窮盡智慧海 | 清淨諸行海 |
| 滿足諸願海 | 悉見諸佛海 | 我於劫海行 |

| | | |
|-------|-------|-------|
| 三世諸佛行 | 及無量大願 | 我皆悉具足 |
| 普賢行成佛 | 普賢菩薩名 | 諸佛第二子 |
| 我善根迴向 | 願悉與彼同 | 身口意清淨 |
| 自在莊嚴刹 | 遠成等正覺 | 皆悉同普賢 |
| 如文殊師利 | 普賢菩薩行 | 我所有善根 |
| 迴向亦如是 | 三世諸如來 | 所歎迴向道 |
| 我迴向善根 | 成滿普賢行 | 願我命終時 |
| 除滅諸障礙 | 而見阿彌陀 | 往生安樂國 |
| 生彼佛國已 | 成滿諸大願 | 阿彌陀如來 |
| 現前授我記 | 嚴淨普賢行 | 滿足文殊願 |

盡未來際劫 究竟普賢行

文殊師利發願經

謹案此與唐貞元譯大方廣佛華嚴經入不思議

解脫境界普賢行願品四十卷之末卷偈同本異

譯偈文總有三譯此其第一譯也北京刻經處識

校刻此經共字二千零零三箇付刻資三元五角

民國十一年 一月 北京刻經處又識

| | |
|--|--|
| | |
| | |
| | |
| | |
| | |
| | |
| | |
| | |
| | |
| | |
| | |

普賢菩薩行願讚

唐大興善寺三藏沙門不空奉詔譯

| | |
|---------|---------|
| 所有十方世界中 | 一切三世人師子 |
| 我今禮彼盡無餘 | 皆以清淨身口意 |
| 身如刹土微塵數 | 一切如來我悉禮 |
| 皆以心意對諸佛 | 以此普賢行願力 |
| 於一塵端如塵佛 | 諸佛佛子坐其中 |
| 如是法界盡無餘 | 我信諸佛悉充滿 |
| 於彼無盡功德海 | 以諸音聲功德海 |
| 闡揚如來功德時 | 我常讚歎諸善逝 |

| | |
|---------|---------|
| 以勝華鬘及塗香 | 及以伎樂勝傘蓋 |
| 一切嚴具皆殊勝 | 我悉供養諸如來 |
| 以勝衣服及諸香 | 末香積聚如須彌 |
| 殊勝燈明及燒香 | 我悉供養諸如來 |
| 所有無上廣大供 | 我悉勝解諸如來 |
| 以普賢行勝解力 | 我禮供養諸如來 |
| 我會所作眾罪業 | 皆由貪欲瞋恚癡 |
| 由身口意亦如是 | 我皆陳說於一切 |
| 所有十方羣生福 | 有學無學辟支佛 |
| 及諸佛子諸如來 | 我皆隨喜咸一切 |

| | |
|---------|---------|
| 所有十方世間燈 | 以證菩提得無染 |
| 我今勸請諸世尊 | 轉於無上妙法輪 |
| 所有欲現涅槃者 | 我皆於彼合掌請 |
| 惟願久住刹塵劫 | 為諸羣生利安樂 |
| 禮拜供養及陳罪 | 隨喜功德及勸請 |
| 我所積集諸功德 | 悉皆迴向於菩提 |
| 於諸如來我修學 | 圓滿普賢行願時 |
| 願我供養過去佛 | 所有現住十方世 |
| 所有未來速願成 | 意願圓滿證菩提 |
| 所有十方諸刹土 | 願皆廣大咸清淨 |

| | |
|---------|---------|
| 諸佛咸詣覺樹王 | 諸佛子等皆充滿 |
| 所有十方諸衆生 | 願皆安樂無衆患 |
| 一切羣生獲法利 | 願得隨順如意心 |
| 我當菩提修行時 | 於諸趣中憶宿命 |
| 若諸生中爲生滅 | 我皆常常爲出家 |
| 戒行無垢恆清淨 | 常行無缺無孔隙 |
| 天語龍語夜叉語 | 鳩槃荼語及人語 |
| 所有一切羣生語 | 皆以諸音而說法 |
| 妙波羅蜜常加行 | 不於菩提心生迷 |
| 所有衆罪及障礙 | 悉皆滅盡無有餘 |

| | |
|---------|---------|
| 於業煩惱及魔境 | 世間道中得解脫 |
| 猶如蓮花不著水 | 亦如日月不著空 |
| 諸惡趣苦願寂靜 | 一切羣生令安樂 |
| 於諸羣生行利益 | 乃至十方諸刹土 |
| 常行隨順諸衆生 | 菩提妙行令圓滿 |
| 普賢行願我修習 | 我於未來劫修行 |
| 所有共我同行者 | 共彼常得咸聚會 |
| 於身口業及意業 | 同一行願而修習 |
| 所有善友益我者 | 爲我示現普賢行 |
| 共彼常得而聚會 | 於彼皆得無厭心 |

| | |
|---------|---------|
| 常得面見諸如來 | 與諸佛子共圍繞 |
| 於彼皆興廣供養 | 皆於未來劫無倦 |
| 常持諸佛微妙法 | 皆令光顯菩提行 |
| 咸皆清淨普賢行 | 皆於未來劫修行 |
| 於諸有中流轉時 | 福德智慧得無盡 |
| 般若方便定解脫 | 獲得無盡功德藏 |
| 如一塵端如塵刹 | 彼中佛刹不思議 |
| 佛及佛子坐其中 | 常見菩提勝妙行 |
| 如是無量一切方 | 於一毛端三世量 |
| 佛海及與刹土海 | 我入修行諸劫海 |

| | |
|---------|---------|
| 於一音聲功德海 | 一切如來清淨聲 |
| 一切羣生意樂音 | 常皆得入佛辯才 |
| 於彼無盡聲音中 | 一切三世諸如來 |
| 當轉理趣妙輪時 | 以我慧力普能入 |
| 以一刹那諸未來 | 我入未來一切劫 |
| 三世所有無量劫 | 刹那能入俱胝劫 |
| 所有三世人師子 | 以一刹那我咸見 |
| 於彼境界常得入 | 如幻解脫行威力 |
| 所有三世妙嚴刹 | 能現出生一塵端 |
| 如是無盡諸方所 | 能入諸佛嚴刹土 |

所有未來世間燈

彼皆覺悟轉法輪

示現涅槃究竟寂

我皆往詣於世尊

以神足力普迅疾

以乘威力普徧門

以行威力等功德

以慈威力普徧行

以福威力普端嚴

以智威力無著行

般若方便等持力

菩提威力皆積集

皆於業力而清淨

我今摧滅煩惱力

悉能降伏魔羅力

圓滿普賢一切力

普令清淨刹土海

普能解脫衆生海

悉能觀察諸法海

及以得源於智海

普令行海咸清淨

又令願海咸圓滿

諸佛海會咸供養

普賢行劫無疲倦

所有三世諸如來

菩提行願衆差別

願我圓滿悉無餘

以普賢行悟菩提

諸佛如來有長子

彼名號曰普賢尊

皆以彼慧同妙行

廻向一切諸善根

身口意業願清淨

諸行清淨刹土淨

如彼智慧普賢名

願我於今盡同彼

普賢行願普端嚴

我行曼殊室利行

於諸未來劫無倦

一切圓滿作無餘

| | |
|---------|---------|
| 所須勝行無能量 | 所有功德不可量 |
| 無量修行而往已 | 盡知一切彼神通 |
| 乃至虛空得究竟 | 眾生無餘究竟然 |
| 及業煩惱乃至盡 | 乃至我願亦皆盡 |
| 若有十方無邊刹 | 以寶莊嚴施諸佛 |
| 天妙人民勝安樂 | 如刹微塵劫捨施 |
| 若人於此勝願王 | 一聞能生勝解心 |
| 於勝菩提求渴仰 | 獲得殊勝前福聚 |
| 彼得遠離諸惡趣 | 彼皆遠離諸惡友 |
| 速疾得見無量壽 | 唯憶普賢勝行願 |

| | |
|---------|---------|
| 得大利益勝壽命 | 善來爲此人生命 |
| 如彼普賢大菩薩 | 彼人不久當獲得 |
| 所作罪業五無間 | 由無智慧而所作 |
| 彼誦普賢行願時 | 速疾銷滅得無餘 |
| 智慧容色及相好 | 族姓品類得成就 |
| 於魔外道得難摧 | 常於三界得供養 |
| 速疾往詣菩提樹 | 到彼坐已利有情 |
| 覺悟菩提轉法輪 | 摧伏魔羅并營從 |
| 若有持此普賢願 | 讀誦受持及演說 |
| 如來具知得果報 | 得勝菩提勿生疑 |

| | |
|---------|---------|
| 如妙吉祥勇猛智 | 亦如普賢如是智 |
| 我當習學於彼時 | 一切善根悉迴向 |
| 一切三世諸如來 | 以此迴向殊勝願 |
| 我皆一切諸善根 | 悉以迴向普賢行 |
| 當於臨終捨壽時 | 一切業障皆得轉 |
| 親覩得見無量光 | 速往彼刹極樂界 |
| 得到於彼此勝願 | 悉皆現前得具足 |
| 我當圓滿皆無餘 | 衆生利益於世間 |
| 於彼佛會甚端嚴 | 生於殊勝蓮華中 |
| 於彼獲得受記前 | 親對無量光如來 |

| | |
|---------|---------|
| 於彼獲得受記已 | 變化俱抵無量種 |
| 廣作有情諸利樂 | 十方世界以慧力 |
| 若人誦持普賢願 | 所有善根而積集 |
| 以一刹那得如願 | 以此羣生獲勝願 |
| 我獲得此普賢行 | 殊勝無量福德聚 |
| 所有羣生溺惡習 | 皆往無量光佛宮 |

普賢菩薩行願讚

速疾滿普賢行願陀羅尼曰

襲麼悉底哩也四合地尾二合迦引南一但他引孽多南

二唵引阿引戊囉尾擬備娑囉引令訶引四

每日誦普賢菩薩行願讚後卽誦此真言纔誦一遍。
 普賢行願悉皆圓滿三摩地人速得三昧現前福德
 智慧二種莊嚴獲堅固法速疾成就。

謹案此篇亦與普賢行願品末卷偈文同本異譯
 是爲第二譯北京刻經處識

校刻此經共字二千零二十一箇付刻資七元

民國十一年 一月 北京刻經處又識